

May
2017




KRISTIAN THALAI

thlen
chin
atanga
HMASAWN

Vol. VIII No. 3

Kristian Thalal Pawl Chanchinbu thla tin chhuak



CKTP hruaitute leh Synod Choir @ KTP Rorel Inkhawm



Darlung Branch Diamod Jubilee



Zuangtui Branch Inkhawm kim zan



Tuahzawl Branch Diamond Jubilee



Rabung Branch Diamond Jubilee

Kristian Ṭhalai Pawl chanchinbu thla tin chhuak

1970-a chhuah ṭan ■ Kum 47-naa vawi 5-na ■ Chhuah tawh zat : 462

Editor :

Lalchhuanliana

Joint Editors :

Lalhnehzova

Lalfamkimi

Lalmuanawma

Dr. David C. Vanlalfakawma

Manager :

Lalmuanpuia

A lak man :

Kum khatah - Rs. 80.00

Copy khat - Rs. 7.00

*Thu chhuah tūr nei chuan Editor,
Kristian Ṭhalai, Synod Office-ah thawn
tūr a ni a; a la duh chuan KṬP Office-ah a
man pēk lāwk a ngai.*

Office Phone : 9436142398

E-Mail :

kristianthalai1970@gmail.com

centralktp@gmail.com

KRISTIAN ṬHALAI PAWL**Thupui**

Rawngbawl tūra chhandam

Thupui innghahna

Ephesi 2:10. Thil ṭha ti atán
Krista Isuaah chuan siama awmin,
ama kutchhuak kan ni si a, chu thil
ṭha tih chu kan awmna tūrin
Pathianin a buatsaih lāwk a ni.

Thiltumte

1. Isua Krista rinna leh amah anna
kawnga ṭhalaite hruai.
2. Kohhran kutke ni tura ṭhalaite
buatsaih.
3. Kohhran hnathawh tihputlin.
4. Krista Chanchin Ṭha puan
darh.

A CHHUNGA THU AWM

1. Editorial	2
2. Rau	3
3. Kristian Ṭhalai pawl Rorel Inkhawm vawi 7-na	8
4. Sual thihsan	11
5. Kohhran hnathawh tihputlin	13
6. Kan KṬP zel dawn em?	17
7. Work Camp report : <i>Hailakandi</i>	20
8. Sunna : <i>David Lalrammawia</i>	22
9. Hringlang tlang : <i>Hlim hmel a pawwimawh</i>	24
10. Hriselna : <i>Naupangte leh Vitamin</i>	25
11. Kantu – Thenzawl Field Veng Branch	28
12. Keimahni	30



Kum puan

Hun rei tawh tak aţang khan K  P hian kum puan neiin chu kum puan thupui hmanġ chuan kawng hrang hrangin hma kan lo la tawh   hin a, rah duhawm tak tak pawh a chhuah tawh ngeiin a lang. Kum puan neih chu thil   a takah ngaiin tun thlengin kan la nei chhunzawm zel a, hei hian

ngaia neih emaw tura ngaihna lam ni lovin, hmasawn zel duhna min thlen se tih hi thil duhawm tak a ni.

Tuna kum puan thupui   a tak kan hman   an mek, ‘Thlen chin a anga hmasawn’ tih hian a huap zau hle a. He thupui hi kan zir fuh chuan kawng tam takah Zoraminn hmasawinna thar a hmuh theih rualin, a zirtu azirin awmze nei lo pawhin a chhuak hlauh thei baw  . Tu pawh hian thlen chin kan nei vek a; amaherawhchu, kan thlen chin chu a inang lo.   henkhat chuan rawngbawlna kawng thui tak an zawh tawh laiin thenkhat chuan kan zawh   an dawn chauh va, thenkhatin hnuhma sawi tur tam tak an neih laiin thenkhat chuan bul kan   an ve mek baw  .

Thufing pakhat chuan, “Danglamna awm hauh lovin hmasawinna a awm thei lo va, rilru puthmang tidanglam thei lo chuan engah mah hma a sawn thei lo vang,” a ti, a dik khawp mai. Hmasawn tur chuan kan rilru puthmang kan tidanglam hmasa tur a ni. Hma kan sawn theih lohna tam tak hi kan hriat loh vang ni lovin, kan hriat anga kan awm loh vang leh kan zawm loh vang a ni tih erawh kan pawm a   ul hle.

Rawngbawlna huangah leh kawng hrang hrangah mihringte hian chin dan   han leh inhlan chhawn tam tak kan nei a, chu chu kalsan a har   hin hle a ni. Hmana kan lo tih   hin kha tunah chuan a   a tawh lo mai thei a, kan la tih ngai loh kha tunlai hunah chuan a lo   a viau zawk thei baw  . Chu vang chuan kan hmaa awm thil   a tawh phawt chu kan tih   hin leh tih   hin loh lam ngaihtuah lova, a   a leh thang mawi apiang zawn zel hi thil   a ti atana siamte awm dan tur chu a ni.

Taksa   han lennaah te, sum leh paia hmasawn zel duhna te, zirna kawnga hmasawn duhna te hi mihring hian kan tum ber pakhat a ni a, zuk leh hmuama insum tura   an lak te, rinna kawnga   hang lian tura nasa taka beih te, inpumkhatna   a leh inngaihsak tawn te, intodelhna kawnga hmasawinna te, chhungkaw nuam siam tura hmasawn duhna te leh rawngbawlnaa hmasawn duhna te hi kan kum puan thupui a ang hian zir chhuak ngei thei ila a duhawm hle.

Hmasawn tur chuan a hlawhtlinna turin ruahmanna fel tak siam angai a, chuti chung pawh chuan tihhlawhtlin nghal vek a harsa   hin. Ruahmanna kan siam loh phei chuan engtikah mah hma kan sawn thei dawn lo a ni. Kan kum puan thupui hi Pathhian rawn chung zela kan zir chuan hma kan sawn ngei ang.

RAU

(Gen 24:57,58; Tírh. 15:28; Rom 8:16)

— Upa Lalzarmawia Ramthar Veng, Aizawl

Aw le, ‘Setana hnathawh’ kan tih tam tak: tualthahna rapthlak tak tak, kum tling lo pawngsualna pawí lutuk te, inrawk leh insuum, rukruk, uirena sual rawva pui puite hi Setana/sual hnathawhah kan pawm tlang vek. Heng sual titute hi bel chiangin, an tih dawn hian engtin nge an awm tih zawt ta íla, thenkhatah chuan mak danglam taka thawktu a awm a ní mai thei. A tam zawk hi chuan a nihna tak sawi duh sela chuan, chutiang danglamna mak tak chu a awm hmasa vek kher lo mai thei. Mahse, sual chu an ti tho si.

Isaaka nupui tur zawn chung-changah khan, Rebeki zawhna an zawh khan ani chuan, “Duh ang chu,” ti ngawtin a chhang a. He chhanna hian Israel fate an sal tanna lak ata chhanchhuaka, Kanaan rama hruai luh an nih tur te, nang leh kei tlanna kraws tundin thlengin a kawkg hal ruak mai! Kan thu chhiar tak, “Thlarau ngei chuan keimahni thlarau nen,” tih te, “Thlarau Thianghlim leh keinin,” tih te hi ngaihtuah zui íla. Pathian Thlarau Thianghlim hian

(Tunlai ɰawng takin) min pawngsual a tum miah lo tih a lang thei. Nang leh keia rilru fim remtihna nena inrem zet chauhvin thil a ti ɰin niin a lang. Thlarauva ɰhan lenna pawh hi keimahni leh Thlarau Thianghlim inrem taka thawh dunnain a thleng thei ngei ang. Thlarau Thianghlim chuan keimahni chauh ní lovin, keimahni nen hna thawh a duh ɰin.

Gospel Camping/Crusade neih níkhuaa sawmna kan siam danah te hian, a sawmtuin aw han tihdanglam chiam emaw, sound system han herh danglama, a ri han tikhawk rum rum emaw pawh a ɰul hran lo. Maimitchhin kher pawh a ngai chuang awm lo ve. Chhun pachan lai, khaw en ut lai tak tak mai te hian, fim ker kawrin mahni duhthlanna ngeiin Pathian kan duh leh duh lohnate hi lantir ta íla, chungte chu kan thupui, ‘RAU’ tihin a ken tel vek chu a ní.

‘Rau’ kan tih tak chu chu eng nge ní ta ang le?

a) **Duhthlanna hman dik/ Pathian hnena pek** : Ní tin eizawna avanga haw tlaia, chaw

kaw puar pawh a ei hman lova Biak In pana kal ðhin/ rawngbawlina tel ðhin te kan awm ang chu maw? Pathian ropuina tur ni si lo, mahni nuam tih zawng leh tuipui zawng tak mai eng emaw tih tur awm reng kalsana rawngbawlina lama peih lo leh tui lo deuh chung pawha a kal ta zawk ðhin kan awm ngeiin a rinawm? Chung mite chu an va RAU em? Mahnia danglam riauna leh thil mak eng emaw tak a lo thlen vang emaw, loh theih loh nia a lan vang emawa Pathian duh zawng nia lang ti ðhinte hi kan sawisel lo chuang lo va. Chutih rualin, chutiang danglamna eng emaw riau neih vang ni kher lo pawha, mahni duhthlanna thianga tak hmanga Pathian rawngbawl tum tlattute leh tihlawhtling ðhin te hi an RAU viau awm asin.

Tih tak takah chuan Setana pawhin a mite a ti lui ngai bik lo mai thei! An duhna nen inrem zetin a duh zawng a tihtir ve tho niin a lang. Sual hna a thawhtir dawnin eng emaw ti taka ti deuh chem chem, ri deuh der der, khu deuh vet vet leh nghing deuh der der zawngin a thawk vek chuangin a rinawm loh. Tam tak hi chuan tih duhna an nei a, an ti ve tawp mai a ni mai lawng maw?

Bible chuan, “Thil ðha ti atan Krista Isuaah chuan siama awmin ama kutchhuak kan ni si a,” (Eph. 2:10) a ti a. Pathian duh zawng a thil ðha kan tih lah chu Bible vekin, “Ama lawm zawng atana tih tum tur leh bei tura nangmahnia thawktu chu Pathian a ni,” (Phil 2:13) a la ti ta deuh deuh! Thil ðha kan tihna tura thawktu chu Pathian (Thlarau Thianghlim) a nih si chuan, keimahniah Thlarau Thianghlim a awm ngei tihna a ni a. Chu chu Johana 14:16,17, ‘Tin, Pa ka dil ang a, ani chuan Thlamuantu dang a pe ang che u, chatuana in hnenawm turin; chu chu Thlarau dik tak a ni....in hnenah a awm reng si a...’ a lo ti reng mai a. Hei tak hi Tirhko chuan, “Pathianin keimahni min hmangin...” (2 Kor. 5:20) a tih hi a ni ngei ang. 1 Kor. 3:16, ‘Pathian in in nih leh Pathian Thlarau nangmahnia a awm reng tih in hre lo vem ni?’ tih te. Thlarau Thianghlim hi kan dilin kan beisei zel ang. Thlarau Thianghlim chuan eng lai pawhin kan hnenah chên a duh reng a, kan thinlung kawngka hi a kik reng a, keimahni kan inhawn dan azir hian a hril thui thei viau awm e. Thupuan 3:20, ‘Ngai teh, kawngkhar bula dingin ka kik hi; tu pawhin ka aw hriaa kawng a hawn chuan a

hnenah ka lut ang...’ tih zia k a ni. Mihrintgen duhthlanna kan neihna lai tak hi ‘keimahnia Setana leh Pathianin an inchuh’, Setana leh Pathian tana kan hlut vena lai tak pawh a ni awm e.

b) Pathian lawmna ngaihtuah:

Mi tam zawk hi chuan Thlarau Thianghlim thiltihtheihna hi mak tak leh nasa taka rawn thleng turin kan beisei a ni mai thei. Mahse, a tam berah chuan Thlarau Thianghlim thiltihtheihna hi reh thiap leh langsar lo tak, mahni pawhin hriat mumal loh hiala zawiin nunah a lo thleng zawk fo thin awm e, nem tak leh zawi tein a rawn thawk fo thin. 1 Lalte 19:11,12, ‘...thlipui na takin tlangte chu...a rawn chhem khi a.... nimahsela, thli-ah chuan LALPA chu a awm lo....lir a lo nghing a; lir nghingah chuan....Lalpa chu a awm lo.Tin....mei zawhah chuan aw dam diai hian a lo chhuak a....’ tih te kan hmu baw k a (Mt. 26:39). Tin, tlemin hma lamah a va kal hlek a, a bawkkhup a, “Aw ka Pa, a theih chuan he no hian mi pel lul rawh se; nimahsela, keima thu ni lovin, nangma thu thu ni zawk rawh se,” a tih hi Lal Isua nunah pawh a RAU lai ber a ni awm e? Kan nuam tih zawng leh kan hlimpui zawng chauhte emaw, mak danglam/ dangdai bik tak chauhte emaw hi

a RAU lai hrilhfi ahna atan taka hman palh theih a ni a. Nimahsela, kan nuam tih leh hlimpui lam ai hian, Pathian hlim leh lawmna tur lam hi kan ngaih pawimawh ber tur a ni ang, chu chu RAU kan sawi fi ahna tur pawh ni ve sela.

c) Rah chhuah nun : Mi tiphu zawk thei leh mak danglam tak thilpek chi angte hi nungchang leh hriatna lama hmasawmna thilpekte aia ngaihropui deuh bik riauna emaw pawh a awm thei zel a. Phût zawk zawkna thlen thei thilte chu khawi aţanga lo awm nge tih hriat a harsa a, Kristiante zingah lo pawh a awm ve zel baw k si a, sual leh dawtin a pawlh thei baw k a ni. Hlim ruihna te leh dangdai deuh taka chêtna pawh hi sakhaw hrang hrangah lah a awm tehmeuh mai si a, ringlote zingah hlei hlei hian a nasa sa em maw tih mai tur a ni. Zawlnei phûl bual bual mai chi te an awm ve reng baw k. Eng rau emaw hi chu an chang ve tih a Chiang! Keini ai ai hian an nasa mawle! Chuv angin, thiltihtheihna leh eng emaw hriatna leh mak danglam deuh apiang hi Thlarau Thianghlim aţanga chhuak veka ngaih theih a ni lo.

Chutih laiin ‘Mak danglam leh a thar zawng zawng hi Thlarau Thianghlim hnathawh a ni lo vek’ ti a ngaih tur a ni lo baw k. ‘Nang

kha a tak, nang chu a lem,' tia en dik tur pawh kan ni chuang lo. Eng pawh ni se, Lal Isua hming meuhva ramhuai hnawt chhuak-tute leh thil mak tam tak tite zingah Amah Lal Isua berin a hriat loh mi an awm thei chu a ni phawt mai (Mt. 7:22,23; 2 Thes. 2:9). Chuvangin, thlarau nun kan tih pawh hi hriat phak loh khawpa thuk leh ril a ni vek kher lo! Ni tina kan pawn lam nun hmuh theiha che chhuak hi kan thlarau nun dik tak chu a ni fo. Thlarau nun tha tak leh hrisel tha tak, a ni tin khawsak phung chhe hle si a lo awm theih ngai a nih chuan thuhraan ni se!

d) **Tlo, daih rei, ti hram hram** : Jeremiah 17:7,8'Rah chhuah thulh chuang si lo ang hi a ni ang,' tih hi sawi fiah vak ngai lovin a Chiang tawh nghal hle. Fakna Hlaah chuan, "A duh zawng ka tih apiang mal min sawm fo thin," tih kan hmu a. Johana chuan, 'Keini mi pawlna hi Pa leh Fapa Isua Krista pawlna a ni tawh reng si a,' (1 Johana 1:3) a ti. Bible phalna hnuaia Pathian duh zawng kan tih hram hram, kan tih talh talh leh kan tih fan fan te hi a lo "Rau" hle a ni. Ti ve tlat, tlo, nghet, daih rei, hrat lak (han duham ta deuh ila), ti ve hrim hrim nih te hi pawh hi a lo "Rau" viau thei zel a ni. Eng

emaw thawktu hran beiseia, ngialngan tak tak, entir nan Paula anga, eng chhun thluk beiseina te phei hi chu mahnia a thawh ve loh chuan sawi thiam pawh a ni lo. Setana pawhin a hote hetiang em emin a enkawl ngialngan bik vek kher lo mai thei. An rilruah a lo awm a, an lo sual ve mai mai a ni lo maw? An lo "rau" lutuk bik lo mai thei a nia.

e) **A hmun, hun leh ni aiin kan hmuha chian** : Lal Isua zirtirte pawh khan Lal Isua an hmuhna hmun kha a inang vek awm lo ve: Zakaia te, Bartimaia te leh mi dang dang pawh. Anmahni hmuhna hmun theuh kha dik berah ngaiin, ngai pawimawh bik dawn se inhnialna tawp thei lo chhuak thei mai tur awm hi a ni a. Chuvangin, camping leh campaign atanga hmu an awm laiin thenkhat chuan Pathian thu emaw, hla thu pakhat lek emaw atang pawhin an hmu thei a, thenkhat chuan a hun leh ni sawi fak tur nei lem lo pawhin, naupang te an nih lai atanga an nu leh pate kaihhruaina leh Sunday School atang pawhin an hmu thei baw. Tirhkoh Paula leh Thoma-ten an hmuh a an rin dan kan sawi lai hian Josefa leh Timothea-te pawh hi Bible-ah hian an chuang ve kiau tih hriat tel zel a tha. A hmun leh hun lam ai chuan chung

zawng zawng inlungual tlanna chu – an hmuha kha Krista a nih vek avangin chu chu a tawk mai.

f) A hnathawh dan (Style) lam aain a thiltum hriat/ngaih pawimawh : Eng pawh ni sela, Thlarau Thianghlim hnathawh hi keini mihring famkim lote hriat fiah vek theih tur chauhvin hna a thawk vek bik lo vang tih hre tel ila. Kan bingbilet tawp tawp emaw, kan virin kan zuang zawk zawk emaw, tawng hriatloh leh taksa chetna nen nasa takin kan bei chiam emaw pawh a ni thei e. Thenkhat an rik hluai laiin thenkhatah chutiang lang theia hmuh tur chu a awm lo pawh a ni thei. A style lamah hian buai lutuk lo ila, ‘Thinlung entu - Pathian’ kutah te pawh dah thiam a pawimawh viau awm e. Thlarau Thianghlim pawlna tak dawng si lo, ‘EMAW’ intih avanga phul chiam pawh hi thil awm thei a ni.

Mi hrang hrangah a thawh dan a inan loh ang bawkin ‘RAU’ kan tih pawh a inchen t̃hap awm lo ve. Nimahsela, Pathian Thlarau Thianghlim thil tum erawh chu a inang tlang ngei ang. Kan thurin No. VI-naah Thlarau Thianghlim chungchangah, “....anmahniah felna rah chi tinreng a thawk chhuak t̃hin” tih a ni a. Thlarau Thianghlim chuan Krista hriatna

leh rinna kawngah min tinghetin, nun belh chian dawl a rawn hring chhuak ngei ang tih ring ila, ‘thutakah min hruai luh’ hi a thiltum ber a ni.

TLANGKAWMNA : Aw le, Setana pawhin a mite hmangin hmuh theihin a hna a thawk t̃hin a. Kan Pathian pawhin chuti tho. Pathian duh zawng kalha mi thenkhat thiltih hi Setanic tawkhlea kan ngaih si chuan eng vangin nge Setana duh zawng kalha Pathian miten, Pathian pawl leh chawimawi duha a biakbuka kan kal t̃hin te, a rawngbawlna peng hrang hrang – hnattlang, hla zir leh committee hrang hrangte a t̃hahnemngai taka kan tel t̃hin te hi THLARAU hlea kan sawi loh bik ang?

Aw le, Rebekin, “Duh ang chu,” a tih mai kha Pathian chhungkaw ropui dinna tur pawimawh lai tak a ni a. Bible-a kan hmuh angin, “Thlarau Thianghlim leh keinin” tih te, “Thlarau ngei chuan keimahni Thlarau nen” han tih rup mai te hi a “RAU” tawk viau mai! Kan duhna, kan thutlukna ngei tel zela Van Pathian ropuiin a duh zawng a han thawk mai t̃hin hi nang leh kei min dah pawimawh vezia te pawh a ti lang viau lo maw! Kan engmahloh tehluul nen!

KRISTIAN THALAI PAWL ROREL INKHAWM VAWI 7-NA

— *P.C. Lalramchhana*
Rangvamual Branch

Rum 2017, Kristian Thalai Pawl Rorel Inkhawm chu March 3-5 chhung khan Bawngkawn Presbyterian Kohhran Biak Inah kan lo hmanzoleh ta a, Pathian min hruaina zawng zawngah lawm thu kan sawi a pawimawh hle a ni.

Sawi vek dawn ila, hun leh hmunin min daih dawn si lo. Bawngkawn Veng huam chhung kan lut a, kan rilru a KTP em em ringawt theih chhan kha a chhungah KTP hun pawimawh a awm a ni tih hriat theih tur khawpin veng chhung an lo inbuatsaih vang a ni.

An nula leh tlangvalten min haw miah lo a ni tih hriat ngawih ngawiha min lo lawm vel kha chu, Bawngkawn Biak In leh a vela mutbu nena input luh mai chakawm tak a ni.

Ei leh in lama kan hniang-hnarna te, traffic duty-te inpekna leh an thawh rimzia zawng zawng chu palaiten la rawn sawi belh ve tawh rawh se, ka sawi uar tawh thiam lo vang tih ka hlau a ni!

Sound system mawlh kha! Keini ang duang pawhin zai kan chak rum rum mai alawm le!

Secretary report

Kan secretary-te hnen atangin report hrang hrang kan ngaithla a, hetiang hi April 2017 thlenga KTP dinhmun tlangpui a ni.

Bial 199, Branch 844 (2016-2017 chhung hian branch ding thar 17) kan awm a. Member, mipa 90,505 leh hmeichhia 54,415 awmin, kan vaiin member 1,44,920 kan awm mek a, kum hmasa aiin 1,263-in kan pung a ni. Member 2,297 awmin, Ramhlun North Bialah member an tam ber a, member 46 awmna Buarpui Bialah member an tlem ber thung a ni.

Mission Veng Branch-ah member 1,497 awmin, Branch member tam berna an ni a, member tlemna ber Peren,

Kohima-ah member 3 an awm thung. Member chatuan ram min pansan ta 466 an awm a. An zinga 417 chu mipa an ni a, 49-te chu hmeichhia an ni thung a ni. Kum 2016 chhung khan kan member innei 3,594 an awm a, an zinga 1,517 chu biak ina innei an ni a, 2,077 chu hmun danga innei an ni.

Bial sum hmuh zawng zawng belh khawm hi Rs. 3,09,28,199 a ni a, Branch hrang hrang sum hmuh belh khawm Rs. 21,31,83,429 a ni baw. April 2016-March 2017 chhunga CKTP-a sum lut zawng zawng Rs. 37,23,418 a ni a, hman zawng zawng Rs. 22,46,803 a ni.

Kristian Thalai hi copy 41,500 tihchhuah mek a ni a, copy khat hi mi 3.50-in inchhiar tawm ang kan ni. Thawhtan zan inkhawm percentage hi 23.34% a ni a, kum hmasa aia kan tlak-hniamna chu 0.79% a ni.

Presbyterian Kohhran chu "Rorel lai hi a rau lai tak" ti thin kan ni baw a, kan rorel pawh kan uluk tlang a, Synod lama ka hruaituten rorel min

uap tlat te kha rorel tiphui-suitu pakhat a ni awm e. CKTP Committee member-23, Bial aiawh palai 192, Branch aiawh palai 642, Synod puipate 3, Central Kohhran Hmeichhe aiawh 2, Minister/Pastor/Pro. Pastor/ Upate 4 leh chhimtu pakhat nen, kan vaiin 867 kan ni.

Rorel hi zing dar 9:30-ah chiah tan a ni a. Rev. Zothan-sanga, Leader, CKTP-in thiam leh hneh takin rorel a kaihrui a, tlai lam dar 3:30-ah chiah rorel kan bang a ni.

Rorel inkhawm emaw, Gen. Conference rorel pawh ni se, Bial tin hian kan agenda theh luh tur hi ram pum tan emaw, Krista leh kohhran tana tlangkai a ni em, tih ngun taka ngaihtuah chung a rorel agenda tur kan theh luh thin a pawimawh ang a, chutiang rilru pua kan theh lut thin pawh a lawmawm em em a ni.

Report kan ngaihtlak zawng zawng atangin thlir let ila, sum leh mihringah hma kan sawn rualin, keimahni (KTP) inkhawmah pawh kan tlahniam tlat te, hmun danga innei tam zawk tlat reng mai

te hi ṭawngṭaina nen kan hneh thei ngei ang. YRC hi ‘Kan tihlawhtling tur a ni’ tih rilru pu, hnungtawlh tum miah lo chungin ke kan pen a pawimawh takzet a ni.

A pum pui thuah kan rorel inkhawm a hlimawm hle. Inrinni zan Pathian Biak Inkhawma Pu Vanlalpeka, Finance Secretary thusawi te, Pathianni chawhma inkhawma Rev. B. Sangthanga, Executive Secy. (KṭP) thusawi te, chawhnu inkhawma Gen. Secy. Upa Zonunmawia thusawi te leh Pathianni zan inkhawma kan Leader, Rev. Zothansanga thusawi te kha KṭP member zawng zawngte ngaihthlak atan a itawm takzet a ni.

Zaipawl zai zawng zawng ngaihnaawmzia sawi dawn ila

kan sawi seng lo vang. A zai thiam ber thlangtu atan min ruat dawn sela, a zai thiam lo ber thlangtu tur nih nen ka hreh dan tur a inang reng ang.

Fellowship-a chanvo neitu zawng zawngten an tihlawhtling mai ni lo, an ti tak tak te leh Praise Group member-te mawlh khan fak an phu thlawt e; mit, beng, ka leh thlarau lam nun thlengin kan tlai a, a va khamawm loh em!

Ka sawi hmaih phal lo, CKṭP hruaitute zinga kan nula neih chhun, NI. Lalfamkimin ‘Secularism & Christianity’ tih thupui hmanga Inrinni zan Fellowship-a a thusawite kha a van ngaihnaawm tehlul em!

Kum 2019-ah Tuikual North Kohhranah tiin, thlen chin aṭanga hmsawn tum tlatin kan in mangṭha ta a ni.



- *Pathian hnenah a malsawmna kan dawn awanga lawm thu kan sawi tam poh leh kan thinlungah malsawm dang a rawn thlen ang. Pathian hnenah lawm tur kan nihzia kan inhriat zawh poh leh kan hlim ang.*

— Ezra Taft Benson

- *Hlawhtling tur chuan thil pathum chiah a ngai : mi dang aiin hre tam la, mi dang aiin thawk rim la, mi dang aiin duh nei tlem rawh.*

— William Shakespeare

SUAL THIH SAN

— Chr. Sakhawliana
Rabung

"Tu pawh thi tazoh chu sual lamah a chhuak tazoh si a." Rom 6:7

Mizorama kan Kristian nun dan hi han thlir vang vang hian Kristaa pianna tak nei lo leh sual thihsan lo kan tam hle niin a lang. Pathian thu kan tuipuina leh kan sawi tam dan te ngaihtuah chuan thutak hian min ei vak tawh lo em ni aw...tih ngaihtuah theih tak a ni ta.

Kristian ram tia kan inchhal thinna leh zaa za Kristian kan intihna kha chu kan kal pel tawh nite in a hriat theih a. A chhan chu kan ramah sumdawng leh sawrkar hnathawk, hnam dang mi, sakhaw dang bia kan tam ve tak vang a ni pakhat awm e. A reng thuah kan Mizo Kristiante nun hi a dalin a tlahniam ve hrim hrim ni te pawh hian a hriat theih bawh.

Biak in kan ngah dan leh inkhawm hunte kan neih tam dan han chhut hian, kan sakhaw ngaihsakna phu lo zet hian kan ramah sual a tamin a zalen hle mai a. Chutih lai mekin kohhran ho zinga lawi satliah lo, rawngbawl na pawh chelh

vetute zingah pawh biak in leh kohhran thiltih ngaihsak vak lo te, hleprukna kawnga fihlim lo leh a remchanna apianga zu no dawm ve thei mai zel pawh kan awm ve tho te hi a mak a, sual kan thihsan lo a nih hmeh khawp mai.

He Kristian ram intihna ramah hian huan lo ram thlai him aram a awm thei tawh lo va. Bo thei lova ngaihte pawh a bo ta zel mai zawng a nih hi. Sumdawng dik lo te, insuam leh inruk te kan hre ta fo mai hi Kristian tamna rama awm atan chuan a va zahthlak tak em! Bible-in 'Mihring ruk hmang-ho' a tihte hi tun hma chuan a awmzia ka hre phak ngai lo va; mahse, kan ramah – Mizote zingah ngei a thleng dik ta si a nih hi. Hai rual a ni ta lo. Nu leh pa tam tak mahni khum laizawlah pawh thinthi diaia muhil thei ta lo kan tam tawh niin an sawi hial ta. Sual thihsan kan va mamawh em!

Mizoram kawngpui leh building, lungrem te hi engati nge a chhiat hma em em? Central atanga sum lo kal a tam an ti bawh si a. Khawi laiah emaw chuan thil fel lo a awm lo maw? Kan kawngpui te hi 'LAMLIAN THIANG-HLIM (Is 35:8) kan ti ngam ang em le? Sual hawisana thil

ṭha tih a ṭul ta hle mai. Zu leh ruihhlo man tur a tam chuan a titu kan la tam tihna a ni thei a, a titute hi ṭhalai lam kan tam ber awm e. Sum a hek rualin nunin a chhiat phah a, thihna thlenga min hnuk lut ṭhin hi a paw em em a ni.

Zawlnei Isaia chuan, "Insil ula, intifai rawh u; ka mit hmuh phak lohva in thiltihte hi a sualna chu dah bo rawh u," (Is 1:16) min ti asin.

Tun hmian kan lo sual viau a ni mai thei. Mahse, Lalpan a hmangaih che a, i tan krawsah a tuar tawh. Sima a hnen pan turin a sawm reng che asin. Uirenu den hlum an tum kha Isua hnenah an rawn hruai a, a lo ngaidam a nih kha. A va lawm dawn em! Mahse, thu pawimawh tak mai a hrilh a: "Kal la, tun hnuah tisual leh tawh suh," (Joh. 8:11) a ti a nih kha. Keini pawh tisual leh tawh lo turin sual hi i thihsan ve ang u.

Keini Kristian ṭhalai Pawl member-te hi i inenfiah thar leh teh ang u. Sual ngaihdamna chang tawhin kan inhria em? Camping leh crusade-ah kan piangthar tawh a. Sual hi kan thihsan takmeuh em le? Tirhkoh Paula chuan, "Keini sual kawnga thi tawh engtin nge sualin kan nun theih cheu vang? Tu pawh

sual kawnga thi tawh chu sual lakah a chhuak tawh si a," a ti (Rom 6:1-2, 7) Sual tam tak kan la tih fo si chuan kan la thihsan lo a ni thei ang.

Hla siamtu chuan -

"Aw mihring hlui, hmanah chuan i tan ka nung ṭhin a, Tunah ka thihsan ta che;

Kumkhua atan ka ṭhen ta che,"

a ti a. Hei hi sual thihsan nun ze dik chu a ni.

Mi a lo sual nasat poh leh, Krista hnena a intukluh meuh chuan Pathian khawngaihna a hmu Chiang ṭhin a. A thih aia thi Krista tan a nung tawh zawk ṭhin. Mi, sual thihsantute chuan,

Thihna lui ral ka lo kai ta,

Khawvel miten an hre thiam lo;

He lei in (taksa) hi ral mah sela,

Ka nunna chu Isua a ni,

an ti a ni. Piantharna changin, khawvel miten an hriat thiam loh avangin an chhungte ngei pawhin an tuithlar ṭhin. Sadhu Sundar Singh-a pawh a nih kha.

Aw le, Pathian khawngaihna hun ṭha kan la chan lai hian sualin kan nung zel dawn em ni ang? Sual thihsan la, i tana tuartu Lal Isua tana nung tawh turin hmangaihna aw nem chuan Thlarau Thianghlim hmangin a sawm che a ni. Mi Pathian thua a awm hian a zalen ber zawk asin.

Lalpan malsawm rawh se.

KOHRAN HNATHAWH TIHPUITLIN

—Upa K. Lalfakawma
Chhinga Vengthlang, Aizawl

KTP-ten thiltum pawimawh tak tak pali kan neih zinga pakhat chu "Kohhran hnathawh tihputlin" tih hi a ni. Branch hrang hrangten kohhran hnathawh tihputlinna kawnga kan hmalak dan chu a inang lo viau hlawn mai thei. A pawimawh zual tlem kan sawi ang.

1. **Chanchin Tha hril** : Hei hi Presbyterianism-in a ken tel tlat a ni a. Mizoram Presbyterian Kohhran phei hi chuan kohhran hna pawimawh pakhat ang lekin kan sawi ngai lo va, "Kohhran hna pui" kan ti deuh kher thin. Lal Isua khawvela a lo kal chhan ber pawh thlarau bote chhandam a ni a. Vana a lawn dawn thlenga zirtirte hnena a chah a ni baw. Lal Isuan a ngaih pawimawh avang hian kohhran chuan kan ngai pawimawh em em a ni. He

lamah hian nasa zawka hmala zel tur kan ni tih hi kan hriat reng a pawimawh. **KTP** thiltum zinga pakhat a ni baw a, kan ngai pawimawh hle tur a ni. A taka keimahni kan thawk chhuak thei lo a nih pawhin sum leh pai hmanga tan la zel tur kan ni. Hei hi kohhran hnathawh kan tihputlinna tur pawimawh tak a ni.

2. **Kohhran Pathian biak inkhawm** : Kohhran Pathian biak inkhawm hi kohhran hnathawh zinga pawimawh em em a ni. **KTP-te** chuan Thawhtan zan inkhawm leh Fellowship hun mai bakah, kohhran Pathian biak inkhawm hi kan ngai pawimawh em em tur a ni. Thalai inkhawm kan tam hian nu leh pate pawhin nuam an ti a. Inkhawm kan tam chuan zai te pawh a nuam nghal zel mai thin. Inkhawm ngai pawimawh thalai kan tam hian kohhran pawh a nung nge nge thin. Inkhawm ngaih pawimawh hi kohhran hnathawh tihputlinna kawng pawimawh tak a ni.

3. Kohhran Pathian biak inkhawm dan kalhmang zui kawngah :

Kohhran Pathian biak inkhawm kan ngaih pawimawh mai bakah kohhran Worship Service kalphung a theih chen chena entawn hi kohhran hnathawh tihpuitlinna pawimawh tak pakhat a ni. Biak ina kan inkhawm a nih chuan urhsun leh puithuna lam te pawh kan zir a ñul zel ang. Entir nan, Call to Worship-ah te, hla sak tur chungchangah te leh kawng hrang hrangah kohhran Pathian Biak Inkhawma kan tih dan chhunzawm zel hi kohhran hnathawh tihpuitlinna kawng pawimawh tak a ni ang. KṚP pawh ni ila, Kohhran Hall lama kan hun hman ñhin dan zawng zawng biak ina seng luh rem lo a awm tih kan hriat a ñul ñhin.

Biak inah chuan KṚP, Kohhran Hmeichhia, Kohhran Pavalai Pawl, etc. kan inkhawm a nih pawhin kan biak in zahawmna te, a thianghlimna te a ngai reng a. A neitu Pathian pawh a ngai reng a ni. "Church Court kan ni ve si lo va, dahlau tak leh light takin biak inah KṚP-te

chuan hun i hmang ang u," tih mai chi a ni lo. Kan theihtawpin urhsunna leh puithuna hi kan kalpui ve zel a pawimawh a. Chu chu kohhran hnathawh tihpuitlinna pawimawh tak a ni ang.

Bial KṚP hruaitu kan nih lai chuan Bial KṚP Conference leh Meet kan neih chang pawhin biak ina kan inkhawm hian ñan hma chuan Conference Hla Bu kan sa ve tho ñhin. Mahse, inkhawm ñan hnuah chuan inkhawm hruaitute bik kha chuan Kristian Hla Bua mi kan thlang hram hram ñhin. Hetiang te te hian kohhran kalhmang leh zeizia hi kan lo zira, kan lo kalpui ve tawh ñhin. Tunlai hian kan chhunzawm vak tawh lo a ni mai thei.

4. Kohhran kalphung zahna kawngah :

Kohhran tin hian kalphung kan nei vek a, Roman Catholic te, UPC te, BCM, etc. pawhin kalphung an nei vek. Heng kan kalphung hrang hrang hi kohhran dangte phei hi chuan an ngai pawimawh em em ñhin. Keini Presbyterian

Kohhrante pawh hian kan ngaih pawimawh deuh deuh a ṭul khawp mai. Kan kalphung kan hriat theihna tur chuan inkaihhruaina chi hrang hrang kan nei a, heng inkaihhruaina chi hrang hrang hi kan zir peiha, kan chhiar peih a pawimawh hle a ni. Kan hriat mai bakah a taka kan zawm hi a pawimawh takzet a ni.

5. Kohhran ṭawngkam ngaih pawimawh : KṭP-te hian a hranpain ṭawngkam kan nei tam lem lo va, Fellowship tih te, General Conference tih te, Bial KṭP tih te, Meet tih te, etc. hi KṭP huang chhung bika kan ṭawngkam hman larte chu a ni deuh mai. Heng kan sawi bakte hi chu a hranpa takin KṭP hian ṭawngkam hman bik a nei tam lo mai thei. Chu vang chuan KṭP, Kohhran Hmeichhia leh Pavalaite hian kohhran ṭawngkam bak hi hman tur a hranin kan nei chuang lo va, theihtawpa kohhran ṭawngkam hi kan zir zel a pawimawh. Entir nan, thuhritu, thawhlawm khawn-tu, hla hruaitu, etc. tih te hi

kohhran ṭawngkam hman meka ni. Nakin lawka kohhran hruaitu la ni mai turte kan nih avang hian KṭP aṭanga kan inzir ṭan hi a pawimawh takzet a ni. Kohhran ṭawngkam hre tur chuan dan bu te, inkaihhruaina chi hrang hrang kan neih te, Synod House Style te, etc. hi chhiar tam a pawimawh hle. Hei hi kohhran hnathawh tihpuitlinna zel a ni.

6. Biak in zahawmna kenkawh chungchangah : Kohhranin kan ngaih pawimawh em em ṭhin chu biakin zahawmna hi a ni. Biak in kawt leh a compound chhunga ṭlan kawu zuai zuai mai te, au ṭe duar duar mai te hi a lo mawu lo hma khawp mai. Kohhran Hall lama Fellowship Programme hmanga light taka hun hman chang te hi chu a awm ṭhin a, ṭhil ṭha tak pawh a ni ṭhin. Hengah pawh hian zan rei tak ṭhenga hun hman te hi a mawu lo hma khawp mai tih te pawh kan hriat tel a ṭha awm e. Biak In bul vel leh kan thawm hre phaho tan kan lo hnawksak hma viau ṭhin.

Vawi khat chu Masihi Sangati Camping kan neih tumin hnam dang pakhat pawhin in biak in/hall te chu 'Thalaite intawllenna hmun mai mai alawm,' min tih khauh mai a. Kan thinrim hle mai a. Mahse, khatiang kha hnam dangten min hmuh dan a nih tawh chuan thil tha lo tak a awm ve thei a, insiam thatna tur kan nei tih erawh chu kan inzawh ve chu a ngai khawp mai. Inkhawmpui nikhuaa biak in chhunga thlalak kan uar lutuk te pawh hi kan sim deuh chu a tul khawp mai.

Kan biak in hi Pathian chenna in a ni a, Kristiante tan chuan hei aia hmun thianglelim hi a awm chuango. Chu vang chuan keimahnin kan tihzahawm loh chuan tu man an rawn tizahawm dawn chuango va. Biak in zahawmna kawnga theih ang anga

hmalak hi kohhran hnathawh tihpuitlinna pawimawh tak a ni.

Heng kan sawi bak pawh hi thil pawimawh tak tak a awm thei ang. Kohhrana chanvo kan neih ngaih pawimawhna kawngah te, thawhlawm thawh chungchangah te, Kristian chhungkaw din chungchangah te leh thil dangahte kohhran hnathawh tihpuitlinna tur tam tak a awm thei ang. Kohhran hnatlanga thalai tam tak thawh chhuah bak hi hmalakna tur a tam hle a ni. Tin, mahni Branch-a active taka inhman te pawh hi kohhran hnathawh tihpuitlinna kawng zel a ni.

KTP member zawng zawngten kan thiltum pali zinga pakhat, "Kohhran hnathawh tihpuitlin" tih hi a taka kan tihhlawhtlin zel theih nan tan i la zel ang u.



KRISTIAN THALAI

NGENNA

Kristian Thalai chanchinbu 2017 lakna man la pe lo Branch-ten a rang lama rawn pe turin kan inngen a. Kristian Thalai hi amah leh amah intodelha kal a nih avangin, lakna man hi a luh ran loh chuan harsatna kan tawok thin a; chuvangin, chanchinbu man hi tihfel thuai thuai a ngai a ni.

KAN KṚP ZEL DAWN EM?

— *Lalthazuala*
Tumpui Branch, Kolasib

Ephesi 2:10. *Thil ṭha ti atan Krista Isuaah chuan siama awmin ama kutchhuak kan ni si a; chu thil ṭha tih chu kan awmna turin Pathianin a buatsaih lawk a ni.*

Krista Isua zara thil ṭha kan tih turte chu KṚP thiltum 4-te hian a lo fun kim viau mai a, tawi te tein i han zir Chiang teh ang:

1. Isua Krista rinna leh amah anna kawnga ṭhalaite hruai

Ṭhalaiten kan sūkthlék lam apiang hi chhungkua, kohhran, veng, ramin a hawi lam a ni tlangpui ṭhin. Tun hunah hian Krista rinna leh amah anna kawng zawh miah lo, fapa tlan bo ang maia mahni chaw lo tur (zu/sex/drug/sum lem, etc.) it/awt/châk tlat ṭhalai, nun khawro leh let mai mai an va tam teh lul em! Ṭhalaite nunah biak in ngai-natna a tlahniam tial tial a,

khawvel programme-in min chiah thuk tual tual a, kan dai thuk telh telh ṭheuh vek mai. Thawhṭan zan inkhawm percentage te hi 25% chu a ṭha pawl kan ni deuh tlat mai te hi, lawm cheu tur nge zah vawng vawnga, insiam ṭhat vat tur?

He dinhmun aṭang hian KAN KṚP ZEL DAWN EM? Kan hruai thlenna hmun tur chu Lal Isua hnenah a ni. Mahni inpein, mi dang hruai thlenga, ṭawngtai bawkin hmasawn zel i tum ang u.

2. Kohhran kutke ni tura ṭhalaite buatsaih

Kohhran hmathlir (future) chu KṚP member-te hi kan ni. Kum 14-40 thlenga KṚP-a inhmang full tlatte hi kum 26 chhung an tel hman a. Chuti chen KṚP bēl tlat, KṚP bēla inchhum hminte chu kohhran leh khawtlang tana mi rinawm leh rin tlak an ni fo.

Khawvel thlirna tarmit vuahtuten, kohhran kutke ni tura lo inpek viau hi tunlai lo leh ṭhing, mawl over, múk rún reng mai tia hnung lam aṭanga sawisel rukna leh hmaichhan

ngei pawha sawisel bawng bawngna kan tawh mek lai hian KAN KṚP ZEL DAWN EM?

Bungbèl thianghlim, Lalpa hman tlak ni turin, khawvel miten ti lo mah se, Krista tana danglam ngam turin i inpe zel ang u.

3. Kohhran hnathawh tih-puitlin

Kan sawi zawh ták 2-na khi nakin atana inbuatsaihna a ni a, he point erawh hi chu tun huna KṚP member-te kan awm dan tur a ni thung...heng thute hi kohhran hnathawh kan tihputlin nan ngaihtuah nawn fo ang u.

- a) Inneihna thianghlim, Kristian chungkaw bul ṭan nan.
- b) Pathian thu (Bible) leh kohhran thurin leh kohhran dan zir/hriat/zawm.
- c) Kohhran rawngbawl hna tinrenga a kulpui leh hnukpui ni tura inpekna.

Kan tunlai khawvel hian heng zawng zawng hi a ngaisang lo va, a ngainep ṭan em em vek a, ṭhing a ti a,

changkaw lo, boring tiin a sawi fo ta mai.

Nang leh kei hi kohhran hnathawh tipuitling turin KAN KṚP ZEL DAWN EM?

Ngaihzawng neih dan leh thlan thu-ah fimkhur ila, Bible chhiar uarin kohhran programme (inkhawm/hnatlang/etc.) i ngai hlu deuh deuh ang u.

4. Chanchin Ṭha puan darh:

Thil ṭha ti tura Pathian siam ṭhalaite hian Chanchin Ṭha kan dawn hi, saving account-a him taka vawng mai tur ni lovin, a la hre lotu leh hriaa zawm si lote hnena puang darh tur kan ni.

A hre lotute hnenah:

- a) Missionary-in kan feh chhuak tur a ni dawn lawm ni?
- b) Feh chhuak thei lote pawhin sum leh pai hmangin mawhphurhna kan nei a ni.
- c) Ṭawngṭaina hmangin, “Nang i awmna hmunah, kei ka hmunah,” tiin.

Hre tawh, zawm si lo (member hla)-te hnenah:

a) An pheikhawk bunpuia, an harsatna ṭawmpuia, an tana nun inbun ruakin.

b) Sum, tha, hun insêng ralin, mahni hlawkna leh hlep ringawt um lovin.

c) Ṭawngṭaina hmangin.

Benjamin Franklin-a chuan, "Hmelma chuan langsar takin anchhia a lawh mai a, ṭhian bawl hmang erawh chu chu ai chuan a nasa fe zawk a ni," a ti.

Inbawlna leh infak derna phena hnung lam aṭanga inrel ruk leh fo ṭhinna hi branch tam tak ṭhanmawh baw a ni thei em? KṬP-te hian, inbawl lovin, fiamthu ringawt lovin,

thinlung leh tihtakzetin kan rit phurh inchhawk tawn turin ṭhahnem i ngai leh zual ang u.

Kan khawvel hmanhmawh tak/ṭawp tak/mahni hmasial tak/changkang takah hian nang leh kei hi Krista ringa, a thu zawma, A din chhuah kohhran bél tlat chung zelin, mahni insengsovin, mahni kraws ngei pu chungin KAN KṬP ZEL DAWN EM?

*Kan kut lo chu, kan ke lo chu,
Lalpan kut leh ke a nei lo.*

KEI NI ZAWNG I KṬP ZEL
ANG U.



KRISTIAN ṬHALAI

SYNOD CHOIR RAWNGBAWLNA

1. **ZUANGTUI BRANCH** : February 27, 2017 zan khan Zuangtui Branch KṬP member inkhawm kim zanah an zai a, vaw 2 dinah hla 4 an rem.
2. **BAWNGKAWN** : March 3-5, 2017 khan KṬP Rorel Inkhawm, Bawngkawon Kohhrana Biak Inah vaw 5 an zai a, hla 6 an rem.
3. **SERCHHIP** : March 18-19, 2017 khan Kohhran Hmeichhe Inkhawmpui Lian, Serchhipah an zai a, vaw 3 dinah hla 3 an rem. Pathianni chawhma leh zan atana programme siam bakah Pathianni chawhnuah zaitir an ni. Hei hi rawngbawla an chhuah vaw 39-na a ni.

Work Camp Report :

Hailakandi

Zawlnuam Branch KTP - in Project-a a neih, 'Kum 2016 chhungin work camp neih ni se' tia rel chu, kan hruaituten work camp kan neihna hmun tur thahnemngai takin an zawng a. Vanneithlak tak maiin kan kohhran mi, missionary-a chhuak Pu Lalthantluanga thawhna Hailakandi-ah work camp-na tur a lo awm hlauh mai a. Dec. ni 7-10, 2016 khan work camp kan zuk nei a ni.

Work camp tur hian theih ang tawkin kan inbuatsaih ve a. Rin aiin buaipui ngai pawh a tam hle. Dec. ni 7, 2016 (Nilaini) zing dar 7:00-ah kan work camp-na tur hmun chu kan pan a. Biak in bulah innghak khawmin, kal hmam Gospel Centenary Hall-ah kan lut khawm vek a, kan Leader Pu Lalvohbika Raltein tawngtaiin min thlah a. Work camp kal nan hian 207 motor pali hmangin, mipa 37 leh hmeichhia 19 kan kal a. Kan hnathawh tur hi mistiri thawh

chi a awm nual avangin mistiri pahnih kan hruai tel bawh. Tin, kan Branch hruaitu lo ni tawh mi pathum leh Kohhran Pavalai member atangin mi pakhat an lo tel thei bawh a, kan lawm hle. Tluang taka kalin dar 9:40 am-ah Bairabi, Tlawng kai thlen hma, Mamit pengah kan chaw fun kente thetin tukthuan kan ei a, kan hlim tlang hle. Tukthuan ei khamah kal lehin Bairabi marboat-a motor inbanlek kan nghak rei deuh tih mai loh chu kawnglakah harsatna kan tawh lo. Tichuan, Bairabi atangin kan work camp-na tur hmun chu kan pan ding leh char char a, kawng pawh a tha hle. Tluang taka kalin dar 2:30 pm velah work camp kan neihna hmun tur - Hailakandi chu kan thlang a. Thawktute pawh an lo lawm thiam hle a. Tluang taka kan thlen avanga lawm thu sawina, inhmelhriattirna leh tawngtaiina thawktu lam atangin Pu Lalthantluanga'n neiin, chumi hnuah kan hnathawh dan tur te kan sawi ho nghal a.

Hailakandi hi Assam State a ni a, District khawpui pakhat a ni. Pastor thuthmun a ni a, danzawhkim 21, kohhran mi 27 leh chhungkua 8 awmin, thawktu (Missionary) pathum an awm mek. Kan thlen thlak tirh atangin hna kan thawk nghal a. Tin, Hailakandi Mission Compound-a thawktute pawh an taimain, an inpekna thukzia leh ropuizia pawh kan zuk hmuhpui a. Kan hlawkpui tlang hle. Kan hnathawhte chu hengte hi a ni: biak in ceiling siam, electric wiring, biak in chhung, biak in bang leh a compound bang rawng hnawih, Kristian thlanmual sam fai, biak in compound-a leivung chhun leh biak in chung rawng hnawih a ni.

Zan thum lai mai sikul compound-ah rawngbawl na kan neih chhunzawm leh a. Ringlomi, lo kal khawmte en turin thawktu lamten cinema-in – Isua chanchin te, Nova te, fapa tlan bo te leh Evi leh Adama chanchin te an entir a. Lal Isua la hre ngai lo, lo kal khawmtan hmuhnawm an ti

hle. He hunah hian thusawi ngaihthlak thin a ni baw k a. Somir Laskar, Garmura, Evangelist-in ringlomi lo kal khawmte Pathian thu a hrilh thin baw k. Tin, cinema chhuah hma leh chhuah hnuah keinin Worship Dance, Folk Dance, Cheraw, Drama, Mizo Cultural Dance, Group zai, Zaipawl te leh solo te kan entir baw k a. Hmunhawm an tiin, ringlomite mit a titlai hle.

Ni 10.12.16 (Inrinni) chhun dar 12:00 thlang hna thawk lehin, chawhnu dar 1:00-ah Hailakandi hmun chu kan chhuahsan leh a. Kawnglakah harsatna awm lovin, kan kal lam kawng ni lo, Ronpur lam atanga hawin Zawlnuam chu zan dar 7:00 velah tuang takin kan thlang leh ta a ni.

Kan Work Camp chhung zawnga min awmpuitu leh min hruaitu Pathian hnenah lawm thu kan sawi e.

— **H.B. Laldusaka**
Asst. Leader
Zawlnuam Br. KTP

SUNNA ■■■**David Lalrammawia****Pian leh murna**

Pu David Lalrammawia hi Pu Darthiauva (L) leh Pi C. Chalzari-te fa pali zinga a upa ber dawttu niin kum 1981 June ni 7 khan Champhai Vengthlangah a lo piang a. An unau hi hmeichhia pakhat leh mipa pathum an ni.

A pain a boralsan hma avangin a nu Pi Chalzari hian tulpuuin puitling takin an unauvin a enkawl sei lian a. Amah hi naupan tet aṭanga a phak ang tawka Pathian ngaihsak, nu leh pa thu awih leh naupang fel tak a ni. Chhungkaw inngahna leh pa nih tling tak a ni. Kum 2011 February ni 12 khan R. Zothansangi d/o R. Lalthangvunga (L), Champhai Vengsang nen inneiin fa pahnih – Vanlalmalsawmi, kum 4 mi leh

Lalthakima, thla 7 mi an nei a ni.

Zirna leh khawtlang rawngbawlina

Pathian zarah zirna lamah a tluang hle a, naupan lai aṭanga lehkhah thiam thei tak niin scholarship te pawh a dawng ṭhin a. Kum 2009 khan MA (Sociology) ṭha takin a zo va, Champhai Higher Secondary School-ah Principal hna a thawk zui ta a ni. Khawtlang rawngbawlina lamah pawh a phak ang tawkin a inhmang ve ṭhin a, YMA Section OB leh Branch OB-te pawh lo ni tawh ṭhin a ni. Champhai Ṭhalai Pawl (CTP)-ah hruaitu hlun niin a thih thlengin Treasurer a ni.

Kohhran rawngbawlina

Naupan lai aṭanga a phak ang tawka kohhran bel mi leh Pathiana innghat tlat mi a ni a. Kohhranin a kova rawngbawlina a nghahte chu Pathian rawngbawlina a ni tih hriaa hlen chhuah tum tlat mi a ni. Tleirawl chhuah aṭangin Naupang Sunday School zirtirtu niin, tunah hian Puitling Sunday School

Zirtirtu a ni mek. Kristian Thalai Pawlah a theih ang tawka inhmangin Group hruaitu leh Branch OB dinhmun pawh a lo chelh tawh thin a, tunah hian Branch Committee member a ni mek a. Champhai Joint KTP-ah kum thum chhung OB niin, kum 2016 KTP General Coference, Champhaiin a thlenah khan Organizing Secretary a ni baw.

A rawngbawlina chelh mekte:

1. Puitling Sunday School zirtirtu.
2. Inrinni zan thuhrlitu.
3. Finance Committee member.
4. Building Committee member.
5. Krismas leh kum thar ruai Committee Secretary.
6. BSI, Venglai Local Secretary
7. Branch KTP Committee member

A hun hnunung lam

Damlohna leh insawiselna em em nei lova hlim tak leh phur taka a rawngbawlina a

chhunzawm laiin, ni 21.11.2016 zan khan KTP inkhawmah thu a sawi a, ni 4.12.2016 (Pathianni) zan inkhawmah pawh BSI, Venglai Local-in an buatsaih Bible chhiar chhuak lawm-man sem pawh Secretary a nih angin tha takin a buaipui baw. Hei hi kohhran hmaa a din chhuah hnunhun ber a ni ta.

A kal lam leh BP sang avangin insawiselna a nei ve thin a. Chhungte leh mi dang buaipui ngaiin harsatna a nei ngai lo. Ni 5.12.2016 (Thawhtan) zanah pawh insawiselna em em nei lovin hlim takin inlengte pawh a la kawm a. Ni 6.12.2016 (Thawhle) zing dar 2:00 vel atang khan a thawk dan a dik loh avangin a theih ang angin in lamah bawihawm a ni a. Hma a sawn loh avangin damdawi in lamah rang taka phurh chhoh a ni a. Doctor leh Nurse-ten theihtawp chhuaha a nunna chhan tuma an beih laiin, a rawng a bawl thin a Lalpa hnenah zing lam dar 3:05 khan thlamuang taka chawl turin min kalsan ta a ni.



HRINGLANG TLÁNG

Hlim hmêl a pawimawh

Thomas Jefferson-a, US president a nih lai khan tum khat chu a hovin mi thahnem tak hi sa pelin an ram chhuak a. Fur lai a ni a, ruah a sur tam avangin lui a lian hlawm hle mai a. Nakinah chuan lui lian tak hi an thleng a, tui a lo lian nasa kharwp mai a, tui a tam em avangin a kuangah pawh a leng lo hial a. Tui lian kan tur chuan ruahmanna fel tak an siam hial a. President thuihruaite chuan a tahtawlin an sakawr chungah chuangin tui lian chu an kan zel a.

President thuihruaiten harsa taka tui lian an dai kai lai chu mi pakhat, ram vak ve bawk hian a lo thlir reng a. President leh a thuihruai, vaukam lehlam la kai lote chu a va pan a, an hmel a en vang vang hnuin president hnenah chuan a sakawr chungah chuantira, vaukam lehlama hruai kai ve turin a ngen ta a. President chuan ihe lovin chu pa chu a sakawr chungah a chuantir a, harsa takin vaukam lehlam chu an kai a.

Hmun him an thlen chuan president thuihruai zinga pakhat chuan ramvak hnenah chuan, "Engati nge nangmah hruai turin president ber kher i ngen tlat le?" tiin a zawt a. Ramvakpa chuan mak a ti hle mai a. Mak ti zet hian, "Tui liana mi hruai kaitu kha kan ram president a ni tih ka hre hauh hlei nem. Ka hriat chhun erawh chu – tanpuina ngen tura ka rawn pan che u khan in hmel atangin 'aih' tih ka hmu thei a; president hmelah erawh chuan 'aw' tih inziak ka hmu thei a; chuvangin, amah kha ka ngen ta a ni," tiin a chhang a.

HRISELNA ■■■

Naupangte leh Vitamin

Naupang thang lai chuan vitamin an ei ngei ngei tur a ni tih hi TV-a fakna kan hmuh thin leh, a nawlpuiina kan pawm dan a ni. Kan hriatna hi a dik reng em? Naupang zawng zawng hian vitamin hi an ei tur em ni?

Vitamin tih chu Vital-Amines tih atanga lo chhuak a ni a. Kan taksain a mamawh, chaw leh thil dang kan ei leh in atanga kan lak luh ngai, taksa tana pawimawh em em tihna mai a ni. Vitamin ang thova pawimawh em em chu mineral (calcium, iron kan tih ang chi) chi hrang hrangte a ni a. Mineral chu taksain a mamawh tawh taksaah a awm ve reng a ngai thin a ni.

Naupangte hian vitamin damdawi hi an ei ngei ngei tur a ni tih hi mi thiam zawkte ngaih dan chu a ni lem lo va. A that dan berah chuan, naupang chuan chaw tha chi hrang hrang, kan taksain vitamin a mamawh angte pai kim thei ang ber hi ei sela, mumal tak leh inmil tawh tak, taksain a ngeih dan tur tak chaw tha (balanced and healthy diet) hi ei thei sela duhthusam a ni a. Vitamin damdawite hi thul lovah

chuan ei kher a ngai lo. Mizoten chaw kan tih mai, buh leh a zawlpui – wheat, vaimim leh thlai hnah hring chi hrang hrang – thei, arsa, sangha, sa ti (meat) leh artui te, bawnghnute leh chaw tha dang te hi naupang taksain a mamawh vitamin kan hmuh theihna thangkai em em vek an ni.

Eng ang naupangin nge vitamin leh mineral chu mamawh ta ang?

Nu leh pa buai tak, in lama duh ang chaw siama buatsaih hman lo te, chhungkaw harsat vang emaw, dinhmunin a zir loh vanga duh anga naupang chaw tha ei thei lo te hian an taksa mamawh phuhruk turin ni tin emaw, a thul dan azirin vitamin an ei a ngai a. Heng naupangteah hian hman a ngai thin:

1. Naupang chaw ei mumal lo, chaw tha ei lo leh in-balance taka chaw, thlai hnah leh thei ei tam lovah.
2. Naupang chaw lak tha lo, thil ei thei lo/ei tam lo hrim hrimah.
3. Natna benvawn – asthma, pum lam tha lo leh natna benvawn dang vei naupangah.
4. Naupang, kawng sir leh restaurant vela thil siam leh ei tur sawngbawl sa – wai wai, maggie, chocolate leh a dangte ei nasa lutukah.
5. Naupang, sa ei ngai lo (vegetarian) leh bawnghnute lam chi ei/in ngai miah lovah te.

6. Carbonated drinks kan tih – Coca Cola, Sprite, Fanta leh a dangte hian vitamin leh mineral pawimawh, taksa aṭanga inpaih chhuahna a tih tam theih avangin hetiang chi in nasa ṭhin naupangteah.

Naupangte tan eng vitamin nge ṭha?

1. **Vitamin A :** Vitamin A hi ṭha taka naupang taksa insiam a, an ṭhanna atan a pawimawh hle a. Vun leh mit hrisel tak an neihna atan te, timur leh ruh insiamna atan leh taksa natna hrik dotu (immunity) atan a pawimawh hle. Bawngnhnute, cheese, artui, thlai hring ni lo, rawng nei chi heng – carrot, bahra ang chi te hian vitamin A an pai tam.

2. **Vitamin B :** Vitamin B hi chi hrang hrang a awm a, Vit B2, B3, B6 leh B12 te hi taksa hnathawh peng hrang hrang tan a ṭangkai hle a, chakna insiamna atan, thisen mumal taka taksa peng hrang hranga an insem darhna atan leh thluak hnathawh atan te a pawimawh hlawn em em a ni. Sa ti, arsa, sangha, artui, bawngnhnute, cheese, bean leh bekang leh bete ang chite hi vitamin B kan hmuhna ṭha tak a ni.

3. **Vitamin C :** Vitamin C hi naupang tihrawl leh ruh chuktuah leh vun ṭhanna atan te a

pawimawh em em a. Thei thur chi hrang hrang – ser, kiwi, strawberry, tomato (khawchhak lam unaute chuan bawkbawnthur an ti!) leh thlai hring hel ei theih – broccoli te hi Vitamin C hmuhna ṭha tak a ni.

4. **Vitamin D :** Vitamin D hi naupang ruh leh ha insiamna atan a pawimawh em em a, taksain a mamawh em em calcium hnathawhna atan a pawimawh hle baw. Bawngnhnute leh sangha, a bikin mackerel leh salmon-te hi vitamin D hmuhna ṭha tak a ni a. Ni (sun) hi Vitamin D hmuh theihna ṭha leh awlsam ber a ni baw.

5. **Calcium :** Calcium hi ṭha taka naupang ruh leh ha ṭhanna atan a pawimawh em em a. Bawngnhnute, cheese, tofu ang chi te hi calcium tamna a ni.

6. **Iron :** Iron hi thisen hnathawhna atan a ṭangkai em em a, hmeichhe tleirawl ṭhanthi neiah te hian a pawimawh zual. Keini ang ram ṭhang mekah chuan naupangteah iron tlakchhamna a tam em avangin central sawrkar hmalaknain sikul hrang hrangah iron leh folic acid a thlawna naupang pek ṭhin a ni.

Vitamin-te hi uchuak tak leh tam lutuka naupang pek hi a ṭha ber lo va, a bikin Vitamin A, D, E leh K phe chu fimkhur a ngai zual


a. A tawh chiaha pek a nih loh chuan naupangh nghawng tha lo a nei thei a ni.

A tir lama kan sawi tawh angin naupang tana vitamin hmuhna tha ber chu chaw tha a ni a. Chaw tha pawh chu inpawlh tawh tak leh taksain a mamawh tawh chauhva pek a tul bawh. Kan ramah chuan Vitamin hmuhna tha ber chu thlai leh thei chi hrang hrang te, chaw chi hrang hrang – buh, wheat, vaimim te hi a ni a. Keini ang tlangram, kan thlai leh thei pawh chemical lei tha hmanga chawm la tam lutuk lohna angah phei hi chuan kan chawhmeh chi hrang hrang hi thianghlim takin siam ila, chawhmeh leh thei hel ei theih ang chi te, tlak kan tihte hi vitamin hmuhna tha em em veka ni. Chaw kan han tih pawhin thau pai tam lo thei apiang a tha ber zel a, chaw chi hrang hrang, a tam thei ang ber pek hi naupang tan chuan duhthusam a ni. Naute/Naupang chu vawi khatah chaw pe tawh lovin, a chi tam thei ang kha tam lo te tein ni khatah pek fo a tha zawk. Naupangin chaw ei duh loh deuh a lo neih pawha beidawng mai lovin, kan chawhmeh siam dante chu thlak danglam deuhvin pek leh mai thin tur a ni. Eng pawh ni se, damdawi reng reng hi kan mamawh hun awm mah se, a lova awm theih chhung chu awm tum a tha tih kan hre awm e.

Vitamin pek dawna hriat tur tlem

1. Naupang khawih leh ban phakah vitamin dah ngai suh.
2. Naupangin chaw a ei tha duh ngang lo a nih chuan, a ei duh zawng nepnawi dang pe mai lovin vitamin pe zawk thin ang che.
3. Naupangin damdawi dang ei lai a nei a nih chuan pharmacist emaw, doctor hnenah emaw i vitamin pek tur nen pek kawp a pawh leh pawh loh zawt hmasa thin ang che. Damdawi tam takei kawp hian damdawi pakhat zawk hnathawh a tih niam emaw, a tichak vak emaw thei a, taksa tan a hlauhawm thei.
4. Naupangin vitamin mum leh tui lem harsa a tih chuan vitamin thial/ei theih chi pe ang che.
5. Doctor-in pek tur a ti a nih loh chuan naupang kum li hnuai lam tan multivitamin hi hman loh a him.

Mumal taka chaw ei hi naupang thanna leh taksa insiamna atan a tangkai ber a, miin tha an tih vang emaw, TV leh thil danga naupang damdawi tha tia faknate emaw hman mai lovin naupang hnenah chaw tha pe thin ang che. Naupangte hriselna hi nu leh pa leh a enkawltute kutah thui tak a innghat a, fimkhur takin damdawi hman thin ang che.



KANTU

Thenzawl Field Veng Br.



Thenzawl Field Veng Branch hi kohhran din rualin March ni 1, 1992 khan KṮP member 63 niin din a ni. Kohhran ṭhang duang tak niin biak in pathum kan sa tawh a. Kan biak in hmasa ber chu chawlhkar thum chung leka sak zawh vek niin, hriat theih chinah biak in sa rei lo ber kan ni. March ni 1, 2017 khan kan kum 25-na (Silver Jubilee) a ni a, Branch OB lo ni tawh zawng zawng (Mi 42)-te hnenah chawimawina hlanin tluang takin Jubilee kan lawm a. Min hruaitu Pathian hnenah lawm thu kan sawi baw e.

Kumin 2017, kan kum 25-naah hian member, mipa 169 leh hmeichhia 119, kan vaiin 288 kan ni a. Branch OB 6, Committee member 22 niin Kohhran Represent 2 leh Ex-Officio 1 kan nei bawk. Tunah hian Synod kaltlangin mis-

sionary 5 kan chawm mek a, Branch member missionary-a chhuak 2 kan nei mek bawk. Kristian Ṭhalai copy 80 kan la mek a ni. Thenzawl Field Veng Branch hi Thenzawl Field Veng Bial hnuaia awm niin kan bialah hian branch dang paruk – Dinthar Branch, Kanan Branch, Hermon Branch, Chhim Veng Branch-te bakah khaw ṭhenawm Neihloh Branch leh Buangpui Branch-te nen kan awm a ni.

Kuminah hian Group pathum – Ruthi Group, Estheri Group leh Rebeki Group-ahte kan inṭhen a, Branch-ah ₹ 22,000 ṭheuh chung lut tura beisei an ni. Thawṭan zan, Pathianni tlai fellowship, Nilai zan, Inrinni zan leh Pathianni chawhnu inkhawm te inchhiar ṭhin a ni a, group intihsiak nan hman ṭhin a ni. Heng bakah hian branch hnattlang leh hla

zirahte group chhiar ðhin a ni a. Tin, inkhawm kan kal hma leh zual theihna a nih beiseiin Thawhtan zan inkhawmah dar rik aţanga minute 15-a biak in chhung lut hman chinte chhiar ðhin a ni baw. Tin, 2012 aţang khan kum tin K P sports kan nei ðhin a, item chi hrang hrang hmangin Group-te an intihsia kana ðhin a ni.

Sub-committee lamah Evangelical Cell Sub-Committee, Property Sub-Committee leh Zaipawl hruaitute, Chanchinbu Editorial Board te kan nei a. Evangelical Cell hmalaknain thla tin Pathianni hmasa ber tlaiah chaw nghei  awng ai neih ðhin a ni a. Thawhtan zan inkhawm ban veleh member hlate pualin  awng ai ðhin a ni baw. Tin, home crusade bakah  awng-

 ai Camping zan riak chhuakin kum tin kan nei baw ðhin. Tin, zaipawl rawngbawlna lam kan ngai pawimawh em em a, Thawhtan zan inkhawm ban leh Thawhle h zante hla zir hun nghet atan ruahman a ni a, kum tawpah hla zir  ha te hnenah lawman pek ðhin a ni baw. Branch chanchinbu ( Thalai Entu) hi kum 1996 a ang khan tun thlengin Pathianni apiangin tihchhuah ðhin a ni.

Kum tinin member, Holy Bible chhiar chhuakte hnenah chawimawina hlan ðhin a ni a, Beihruah thla inkhawm kim te, hnattlang  ha te, branch committee kal kim te, biak in hawnga nupui pasal nei te hnenah Branch hmingin chawimawina kan hlan ðhin baw.



- *Sir Ralph Richardson-a chuan, "Rim hriatna nei miah lovin, 'Ka rose par ken lai hian rim a nei reng reng lo ve' ti ta sela, tu ma'n kan awih hauh lo vang, ama lamah fel lo a awm tih kan hre thiam vek. 'Pathian a awm lo ve,' tia sawitu nen an inang chiah. Pathian awmzia hre thei lo tur khawpa vanduaia a tawh vang mai mai a ni e," tiin a zia.*

— Reader's Digest

- *Pulpit rawngbawlna i chan apiangin – i hun hmasa ber, i hun  ha ber leh i hun hnuhnung ber hman angah inngai ang che.* — Vance Havner

Keimahni



- **DARLUNG BRANCH** : February 21-23, 2017 khan KṚP, Darlung Branch diamond jubilee lawmna hmanpuuin Upa Rosangliana leh T.Upa Lalrinawma-te an kal a. Feb. 22 chawhma inkhawmah T.Upa Lalrinawma'n jubilee thilpek a hlan a, Upa Rosanglianan thuchah a sawi. Zan inkhawm ban fellowship-ah T.Upa Lalrinawman a sawi bawk.
- **ZUANGTUI BRANCH** : February 27, 2017 zan khan KṚP, Zuangtui Branch Inkhawm Kim Zan hmanpuuin Leader Rev. Zothansanga a kal a, thuchah a sawi.
- **TUAHZAWL BRANCH** : February 27, 2017 khan KṚP, T̄uahzawl Branch diamond jubilee lawmna hmanpuuin Pu Lalchhuanliana leh T.Upa Ricky Lalrammawia Raltete an kal. T̄laiah jubilee ruai thehin zan inkhawmah Pu Lalchhuanlian an thuchah a sawi a, inkhawm ban fellowship-ah T.Upa Ricky-a'n thuchah sawiin jubilee thilpek a hlan nghal.
- **RABUNG BRANCH** : March 9-10, 2017 khan KṚP, Rabung Branch diamond jubilee lawmna hmanpuuin T.Upa P.C. Lalropuia leh Dr. David C. Vanlalfakawma-te an kal. March 9, 2017 (Ningani) zan inkhawmah T.Upa P.C. Lalropui an thu a sawi a, Jubilee ni, March 10 chawhma inkhawmah Dr. David C. Vanlalfakawma thu a sawi a, T.Upa P.C. Lalropui an jubilee thilpek a hlan bawk.
- **LUNGLENG I BRANCH** : March 14, 2017 khan KṚP, Lungleng I Branch diamond jubilee lawmna hmanpuuin T.Upa Ricky Lalrammawia Ralte leh Tv. Robert Lalduhzuala-te an kal a. Chawhma inkhawmah T.Upa Ricky Lalrammawia Ralte in Pathian thuchah a sawi a, Tv. Robert Lalduhzualan CKṚP hmingin jubilee lawmpuina thilpek a hlan.
- **FARKAWN BRANCH** : March 21-23, 2017 khan KṚP, Farkawn Branch diamond jubilee lawmna hmanpuuin Upa Zonunmawia (GS) leh T.Upa Zomuana Raltete an kal a. March 22, jubilee ni chawhma inkhawmah Upa Zonunmawian thuchah a sawi a, t̄laiah jubilee ruai theh a ni a, zan inkhawmah GS-in jubilee lawmpuina a hlan a, inkhawm ban fellowship-ah T.Upa Zomuana Ralte in thu tawi a sawi.

■ **KTP ROREL INKHAWM** : March 3-5, 2017 chhung khan KTP Rorel Inkhawm wawi 7-na chu Bawngkawn Kohhran Biak Inah tluang taka neih a ni a. March 3 (Zirtawp) zan chu Palai Lawmna leh Report Inkhawm atan hman a ni a. Senior Executive Secretary Rev. Lalramliana Pachuauvin KTP Kum Puan (2017-2018) kaihhruaina booklet (Thlen chin aṭanga hmasawn) leh hemi behchhana KTP, Khatla Branch-in film an buatsaih *Project H2B (Lamlan Thianghlím)* tlangzarhin Pathian hnenah a hlan a, Synod Moderator Rev. Lalzuithangan KTP Handbook (Revised & Enlarged 2017) tlangzarhin Pathian hnenah a hlan baw. General Secretary Report, Finance Report leh Bial Report Khaikhawmnate ngaihtlak a ni.

Rorel : March 4 (Inrinni) nilengin Leader Rev. Zothansanga kaihhruaiin rorel a ni a, palai 867 kan kal.

Sermon leh thil dang : March 4 (Inrinni) zan inkhawmah Pu Vanlalpeka, Finance Secretary-in 'Lalpa lam i hawi ang u' tih thupui a sawi a; March 5 (Pathianni) chawhma inkhawmah Rev. B. Sangthanga, Executive Secy. i/c KTP-in 'Kristian sakhaw lungphum' tih thupui a sawi a; chawhnu inkhawmah Upa Zonunmawia, Gen. Secretary-in 'Pathian hretu, Pathian mi hriat' tih a sawi a; zan inkhawmah Rev. Zothansanga, Leader-in 'Pathian nena len dun' tih thupui a sawi. Inrinni zan inkhawm ban Fellowship-ah NI. Lalfamkimi, Com. Member-in 'Secularism & Christianity' tih thupui a sawi baw. Pathian biak inkhawm wawi 3 leh Fellowship wawi 2 neih a ni a, zaipawl leh special item nei tura ruatten an chanvo an tihlawhtling thei vek a, a lawmawm hle. A thlengtu Bawngkawn Kohhranin min thleng hneh hle a, palaiten Rorel Inkhawm hlimawm leh hlawhtling tak kan hmang niin kan inhria.

Thurelte:

1. YRC puala budget kan kalpui mek (Khawpui chhung ₹ 50, District Capital ₹ 30, a dang zawng ₹ 20) kan pawm.
2. Kohhran inhumhallhna lam hawi booklet, Branch tin zir turin CKTP-in buatsaih rawh se.
3. KTP inkhawm ṭum khat thawhlawm, Synod Hospital charity fund pualin dah ni se.
4. KTP inkhawm ṭum khat thawhlawm, chhawmdawlina puala lak khawm ni se.
5. Kum 2017 chhungin ram pum huapa member hlate leh 2018 General Election neih tur pualin chaw ngheia ṭawngṭai ni rawh se.

6. Ruihhlo leh a kaihhnawih chungchanga rawtna lo lutte hi a vaia tihhlawhtlin dan Central KṭP-in lo ngaihtuah rawh se.
7. Kum 2018-2019 KṭP Kum Puan atan 'Khawvel mamawh Isua Krista' (Phil. 3:20) tih kan thlang.
8. Bial budget ₹ 15,12,000/- kan pawm.

YRC Talk Show Video sem : Rorel Inkhawmah hian Bial tin ta tur Youth Recreation Centre (YRC) Talk Show DVD a thlawna sem a ni.

KṭP Rorel Inkhawm 2019 : KṭP Rorel Inkhawm wawi 8-na (2019) chu Central KṭP Committee-in a lo rel tawh angin Tuikual North Kohhran Biak Inah March 1-3, 2019 chhungin neih a ni ang.

■ **KOHHRAN HMEICHHE INKHAWMPUI LIAN** : Presbyterian Kohhran Hmeichhe Inkhawmpui Lian wawi 47-na (March 10-12, 2017), Serchhipa nghahah T.Upa Ngurhmingliana (Asst. Leader) leh Pu Zonunsanga Ralte (Treasurer)-te CKṭP aiawhin an palai.

■ **CONSULTATION ON PROTECTION OF CHILDREN** : March 24, 2017 khan Childline Collaborative Organization, Centre for Peace & Development buatsaihin I&PR Auditorium-ah *Consulation on Protection of Children from Drugs Abuse* neih a ni a. CKṭP aṅanga mi pahnih intir tura min ngen angin Pu Vanlalpeka (FS) leh NI. Lalfamkimi (Com. member)-te an kal.

■ **LETTERHEAD CHUNGCHANG** : Synod Secretary (Sr.) Rev. Lianhmingthanga Sailo chuan kohhran hming ziah dan tur, PCI Executive Committee thurel (VI:5 of 18.1.2017) hriattirna a thawn chhuak a (MS/GEN-46/2017/164). Hemi rual hian Synod Department/Board-te pawh hriattirna pek ve nghal kan ni a. Hemi zulzui hian Letterhead ziaak dan pawh tihdanglam a lo ngai leh dawn ta a. Tuna ziaak dan tharah chuan PCI Emblem hi *Presbyterian Church of India* tih leh *Mizoram Synod* tih inkarah hian dah tur a ni.

■ **HOSPITAL CHARITY** : March 2, 2017 khan Synod Hospital charity lut tlai ₹ 9,880/- chu Fraser's Clinic, Mission Veng kaltlangin theh luh a ni a. Upa F. Lalsangliana, Coordinator, Synod Hospital hnen aṅangin lawm thu sawina leh receipt kan dawng.

■ **YRC ṬANPUINA** : KṭP, Tuikual North Branch chuan Youth Recreation Centre pualin ₹ 2,000/- CKṭP-ah an hlan a. KṭP, Farkawn Branch chuan an diamond jubilee lawmna denchhenin Youth Recreation Centre (YRC) ṭanpuina ₹ 1,500/- CKṭP-ah an hlan baw.

■ **WORKSHOP-AH KAL** : Association of Theologically Trained Women in India (ATTWI), Mizoram Branch buatsaih *Writers' Workshop*, March 24-25, 2017 chhunga I&PR Conference Hall-a neihah Kristian Ṭhalai Editorial Board aiawhin Pu Lalhnezhova, Joint Editor chu a kal.



Kantu – Thenzawl Field Veng Branch

CENTRAL K.T.P. HRUAITUTE, 2016-2018

Office Bearers

Leader	:	Rev. Zothansanga	9436365426
Asst. Leader	:	T. Upa Ngurhminglana	9436374104
Gen. Secretary	:	Upa Zonunmawia	9436152024
Asst. Secretary	:	Pu P.C. Blakmuanpuia	9436374833
Treasurer	:	Pu Zonunsanga Ralte	9402113038
Fin. Secretary	:	Pu Vanlalpeka	9436153728

Committee Members

Tv. Joseph Lalsangzuala	9436152063	Pu Lalchhuanlana	9862364583
Pu K. Lalruatpuia	8132813745	T.Upa Lalrinawma	9436152297
Pu Lalhnehzova	8119947974	Pu F. Lalremruata	9862561961
T.Upa H. Ramnunsanga	9436152320	T.Upa Zomuana Ralte	8794722319
Nl. Lalfamkimi	9436365245	T.Upa P.C. Lalropuia	9863144485
Upa Rosanglana	9612166769	Pu Lalnuanawma	9436196515
Dr. Lalrotluanga	9436153937	T.Upa Ricky Lalammawia Ralte	9862387308
Dr. David C. Vanlalfakawma	9436156561	Tv. Robert Lalduhzuala	9862368012
Upa Lalnuanpuia	9436142398		

Ex-Officio Members

Rev. Lalzuthanga	-	Synod Moderator
Rev. Lianhmingthanga Sailo	-	Synod Secretary (Sr.)
Rev. B. Sangthanga	-	Executive Secretary, i/c KTP



Lungleng I Branch Diamond Jubilee



Farkawn Branch Diamond Jubilee



Zawlnuam Branch Workcamp @ Hailakandi